

Atención a la diversidad Actividades d'ampliación

(P. 43-45) Leer pa entender

1. Estes palabres sueltas pertenecen al testu d'abaxo. Como se nos pasó escribiles, vas tener que les poner tu onde correspuenda.

cristianismu	Deva	divina	soldaos
rellumante	siegllos	astures	llabor
país	tormentes	besties	primitivos

Nos de la so existencia , enxamás s'atoparen nuna situación tan mala, tan delicada, tan incontrolada y tan ensin xaciu; nin cuando la llegada del y el so espardimientu, cuando los grandes dioses perdieren el so poder de control sobre la naturaleza del nuesu , cuando dexó de rexir los destinos de los montes y los ríos, y Taranus perdió de gobernar nes y de mirar polos nes batalles; y Lug, el gran Lug, dios , foi separáu de curiar con tola so gran magnanimidá a los pobladores d'Asturies o cuando'l poderosu Cernunnus, el dios de la gran cuerna, foi separáu del so de defender los montes y les que nellos víen...

Rafael Cascudo Noceda, *Xunta de mitos*.

(P. 46-51) Falamos y escribimos

1. ¿Y si discures una narración curtia que-y dea esplicación imaxinaria a un fenómenu atmosféricu, a una tradición, a un mitu...? Primero vas planificala un pocoñín rellenando esta ficha:

ARGUMENTU:

.....

.....

PERSONAXES

Principales:

Secundarios:

.....

Narrador:

.....

Nun escaezas estructuralu en: entamu, nuedu y desenllaz. Amás, has pone-y una fórmula fixa pa empeciar y un conseyu p'acabar.



1. Nesti cuentu falten los (:). Precises ponelos ocho veces.

Hai cuantisimayá, aconceyáronse tolos dioses y decidieron crear a los seres humanos. Pero pa estremalos d'ellos, acordaron quita-yos la felicidad. Entós un dios reparó «Anque, claro, el problema ye ónde la guardar pa que nun dean con ella».

Depués de cavilar un cachu, ocurrióse-y a ún «Vamos guardala no cimero'l monte más altu». Pero otru retrucó-y «Non, habrá quien la alcuentre».

Depués, hubo un dios que propunxo «¡Yá ta! Nel fondu la mar». Y otru dixo «Tampoco. Pueden acabar fabricando una embarcación que navegue baxo l'agua».

Tovía propunxo ún «Pues nun planeta lloñe de la Tierra». Y otru contestó-y «Igual constrúin una nave que viaxe pel espaciu y llegue hasta ellí».

Nestes, un dios que tuviere escuchando tol tiempu dixo «¿Y si la guardamos dentro d'ellos mesmos? Van andar toos esmolecios buscándola per ende y nun van cayen na cuenta de que la traen consigo...»

(Cuentu anónimu adaptáu)

1. Nel marxe de la páxina 56 vien el testu *Una vida*, guañu de novela contáu en tercer persona. Lo que vas tener que facer tu ye pasalu a primer persona. Puedes entamar asina:

Soi Tante Panoyu. Nací en plena guerra civil, baxo un bombardéu. A los cuatro años quedé güérfanu y marché a vivir con...

Otru encargu: remarca los cuatro xentilicios que salen.